

SENWES ABSORBEER GROOTLIKS DIE GEVOLGE VAN DIE DROOGTE

Senwes werk aan 'n rollende 10-jaar strategie na 2025. Die fokus van hierdie strategie is die uitbreiding van ons kernbesigheid, die veredeling van aandeelhouerswaarde, groter deelname in die graanwaardeketting en die verlaging van risiko's in die huidige portefeulje ten einde na nuwe markte uit te brei. Die fokus is ook op interne innovasie en integrasie van besigheidsdienste ten einde markaandeel te vergroot en daardeur die dienste van die onderskeie entiteite te verbeter.



Wins na belasting **9,7% ↓**



Genormaliseerde wesensverdienste per aandeel **21,7% ↓**



Dividend **4,2% ↑**

'n Wins na belasting van R103 miljoen is behaal, wat 9,7% laer is as die R114 miljoen van die ooreenstemmende periode die vorige jaar. Alhoewel die volumes met 42% afgeneem het, het groter effektiwiteit en nougesette kostebestuur die impak van die droogte gedeeltelik versag. Heelwat droogtemitigerende aksies is verder ingestel en gefokusde kontraktering en margedisipline is aan die dag gelê. Positiewe kontantvloei van R187 miljoen is gevolglik uit bedrywe gegeneer en R49 miljoen hiervan is gespandeer aan kapitaalprojekte ten einde die produktiwiteit van infrastruktuur te verhoog.

MARKTOEGANG	HANDELSMERKE	STRATEGIESE DOELWITTE
<p>56,8% BYDRAE TOT TOTALE WINS UIT BEDRYFSAKTIWITEITE</p>	<ul style="list-style-type: none"> • SENWES GRAINLINK • TRADEVANTAGE • GRAINOVATION • ELECTRONIC SILO CERTIFICATES (ESC) 	<p>'n Geïntegreerde oplossing vir die produsent en graan-afnemer ter ondersteuning van marktoegangs- en prysings-oplossings.</p>
INSETKANAAL	HANDELSMERKE	STRATEGIESE DOELWITTE
<p>14,3% BYDRAE TOT TOTALE WINS UIT BEDRYFSAKTIWITEITE</p>	<ul style="list-style-type: none"> • SENWES EQUIPMENT • HINTERLAND • JD IMPLEMENTE • PRODIST • GRASLAND ONDERNEMINGS 	<p>Om die voorkeurverskaffer aan landbouprodusente te wees ten opsigte van al hul insetbehoefte.</p>
FINANSIËLE DIENSTE	HANDELSMERKE	STRATEGIESE DOELWITTE
<p>28,9% BYDRAE TOT TOTALE WINS UIT BEDRYFSAKTIWITEITE</p>	<ul style="list-style-type: none"> • UNIVISION • CERTISURE • MOLEMI SELE • SENWES CREDIT • SENWES ASSET FINANCE 	<p>Die beskikbaarheid van effektiewe en doeltreffende finansieringsprodukte om die produsent en graanafnemer in staat te stel om hul besigheid optimaal te bestuur tot voordeel van alle belanghebbendes. Die beskikbaarstelling van waardetoevoegende versekeringsprodukte en -dienste aan die kernaktiwiteite van Senwes en die ondersteuning van die besigheid op verskeie vlakke.</p>

Marktoegang 1,0% ↑	Insetkanaal 40,5% ↓	Finansiële Dienste 2,0% ↓	Vooruitskattings
<p>Laer volumes het 'n direkte invloed op Senwes se silobedryf en die verwagting was dat die bedryfsinkomste direk sal korreleer met die afname in volumes. Hoër oordragvoorraad uit die vorige seisoen en vroeër lewerings het egter die verwagte impak tot 'n mate versag. Die silobedryf kon verder daarin slaag om, ten spyte van 'n kleiner oes en dus groter mededinging, sy markaandeel te handhaaf.</p>	<p>Ten spyte van die laat voorseisoenreën en aanduiding van 'n El Niño episode was omsette van hooflyn insetprodukte vir die eerste ses maande van die finansiële jaar 8% hoër as die vorige finansiële jaar. Senwes se meganisasiebesigheid het sy markaandeel van 33,7% tot 37,8% vir die rollende periode (Okt 2014 tot Okt 2015) verhoog, maar moes 'n mark wat met 31% jaar-op-jaar gekrimp het, trotseer. Klante het hul kapitaalvervangingsprogramme uitgestel na 'n meer genormaliseerde seisoen.</p>	<p>Die kredietboek het, gegewe die huidige toestande, uitsonderlik presteer en die uitstaande 2015 somerproduksiekredietrekenings soos op 31 Oktober 2015 het 7,5% (Okt 2014: 8,4%) van die totale boek beloop. Die samestelling van die boek, klantseleksie sowel as goeie sekuriteit is oor 'n aantal jare met nougesetheid gevestig en die huidige makro-eonomiese en klimaatstoestand toets die volhoubaarheid van die klantebasis en hul absorpsievermoë.</p>	<p>Drie van die vorige vier mega El Niño-seisoene oor die afgelope 50 jaar (1963/64 seisoen, 1982/83 seisoen en 1991/92 seisoen) het tot buitengewone lae oeste aanleiding gegee. Indien dieselfde tendens weer dié seisoen sou voorkom, word 'n moeilike volgende 18 maande in die vooruitsig gestel. Selfs al sou die reënvaltoestande normaliseer, sal die tweede helfte van die finansiële jaar na verwagting steeds 'n groot uitdaging wees en sal besigheidsvolumes waarskynlik nie genormaliseerde vlakke bereik nie.</p>

<p>DIVIDENDVERKLARING</p> <p>'n Interim dividend van 25 sent per aandeel (2014: 24 sent per aandeel) is verklaar vir alle aandeelhouers geregistreer as sulks op die aandeleregister op 4 Desember 2015 en sal teen 11 Desember 2015 betaal word. Met volmag van die Direksie.</p>	<p>INTERIM STATE BESIKKBAAR</p> <p>Die interim state vir die periode geëindig 31 Oktober 2015 is beskikbaar op die internet by www.senwes.co.za of kontak die maatskappysekretaris, mev Elmarie Joynt, by 018 464 7104 of per e-pos by elmarie.joynt@senwes.co.za vir 'n kopie daarvan.</p>	<p>DIREKTEURE</p> <p>JDM Minnaar (Voorsitter), SF Booysen (Ondervoorsitter), F Strydom (Groep Hoof Uitvoerende Beamente)*, CF Kruger (Groep Hoof Finansiële Beamente)*, J Maswanganyi (Groep Uitvoerende Direkteur: Korporatief)*, Z Bassa, JBH Botha, AJ Kruger, NDP Liebenberg, JJ Minnaar, AK Olivier**, TF van Rooyen, WH van Zyl, AG Waller, Maatskappysekretaris EM Joynt. *(Uitvoerende) **(Alternatief)</p>
---	--	--